



6. Radunanza cumünela dals 11.12.2013 a las 20.00 in sela polivalenta S-chanf

Presidi: Duri Campell

Actuar: Duri Schwenninger

Preschaints: Preschaints sun 32 votantas e votants

Scrutinaduors: Scu scrutinaduors vegnan elets Erwin Lenz ed Andrea Florineth

Tractandas:

1. Protocol da la radunanza dals 29.11.2013
2. Preventiv 2014
3. Pè d'impostas per l'an 2014
4. Ledscha davart l'economisaziun da las immundizchas, revaisa totela
5. Uorden da taxas davart l'economisaziun da las immundizchas, revaisa totela
6. Corporaziun evangelica, süerted da fr. 400'000.00 in connex culs müdamaints da fabrica chesa Pravenda
7. Tschernas cumünelas pel trienni 2014 - 2016
 - 7.1 President dal cussagl da scoula
 - 7.2 Commember da la cumischiun da gestiun (1 sez)
8. Varia

La glista da tractandas vain approveda sainza objecziuns.

Protocol: Il protocol da la radunanza cumünela dals 29.11.2013 vain approvu.

25 0.205 Rendaquint/planisaziun da finanzas Preventiv 2014

Il president cumünel preschainta in detagl las differentas investiziuns chi sun previssas per l'an chi vain. Zieva minch'investiziun, cun excepziun d'investiziuns chi surpassan fr. 300'000.00, approvescha la radunanza cun granda magiurited e sainza cuntravuschs. A sun previssas investiziuns brüttas ill'otezza da fr. 3'350'000.00 e subvenziuns e contribuziuns ill'otezza da fr. 382'000.00. Las investiziuns sur fr. 300'000.00 vegnan suottamissas a temp ütil a la radunanza cumünela. Zieva chi sun gnidas dedas tuot las spiegaziuns neccessarias, decida la radunanza unanimamaing d'accepter il quint

d'investiziuns 2013. Il president fo la proposta da repasser il prüm il plan da finanzas ed investiziuns 2014 - 2018, per avair üna survista dals prossems ans. Zieva chi sun gnidas dedas tuottas spiegaziuns propuona il president da repasser il quint da gestiun. In quel connex propuona il cussagl da resguarder i'l conto mantegniment i'gluminaziun publica fr. 20'000.00 per eriger in Serlas novas glüschs, siand cha l'access tar l'unic restaurant a S-chanf nun es i'glümino. Quella lavur dess gnir fatta, scha pussibel, pü svelt pussibel. Cun que es il s-chevd per fr. 20'000.00 pü ot. Il president repassa las differentas remarchas i'l preventiv per l'an 2014 e spiega ils different posts. Cun sortidas da 8'912'700.00 ed entredas da fr. 8'743'135.00 serra il preventiv 2014 cun ün s-chevd da fr. 169'565.00. La radunanza decida cun granda magiurited e sainza cuntravuschs d'accepter il preventiv 2014 scu preschanto.

**26 9.100 Pè d'impostas
Pè d'impostas 2014**

Il president spiega, cha'ls ultims ans s'ho pudieu serrer giò il rendaquint cumünel cun remarchabels guadagn. Las investiziuns i'ls ultims ans s'ho pudieu finanzcher cun egens mezs, sainza causer novs debits. La radunanza decida cun granda magiurited e sainza cuntravuschs da lascher il pè da l'imposta cumünela per l'an 2014 sün 75% da l'imposta chantunela simpla.

**27 7.200 Alluntanamaint da las immundizchas
Ledscha davart l'economisaziun da las immundizchas,
revaisa totela**

Il president spiega, cha la ledscha per l'economisaziun d'immundizchas actuela valabla, es gnida appruvada da la radunanza da l'an 2000. Düraunt ils 13 ans passos ho que do differentas revaisas da las ledschas superiuras, ma displaschaivelmaing s'ho müdeda eir la disciplina da la populaziun regard l'alluntanamaint d'immundizchas. La ledscha davart l'economisaziun d'immundizchas ho pudieu gnir retrat preliminar tar l'administraziun cumünela u pudieu gnir chargeda giò da l'internet. Zieva üna preschantaziun dals artichels e zieva cuorta discussiun decida la radunanza cun granda magiurited e sainza cuntravusch d'accepter la revaisa totela.

**28 7.200 Alluntanamaint da las immundizchas
Uorden da taxas davart l'economisaziun da las
immundizchas, revaisa totela**

Il president spiega, cha resguardand la revaisa totela da la ledscha per l'economisaziun d'immundizchas es indispensabel da fer eir üna revaisa totela da l'uorden da taxas ed adatter ils different puncts. L'uorden da taxas per l'economisaziun da las immundizchas ho pudieu gnir retrat preliminar tar l'administraziun cumünela u pudieu gnir chargio giò da l'internet. Zieva chi sun gnidas dedas tuot las spiegaziuns neccessarias decida la radunanza cun granda magiurited e sainza cuntravusch d'accepter la revaisa da l'uorden da taxas.

**29 0.210 Contrats e cunvegns
Corporaziun evangelica, süerted da fr. 400'000.00 in connex
culs müdamaints da fabrica chesa Pravenda**

Il president spiega, cha la radunanza da la corporaziun evangelica vaiva decis da fer ils müdamaints da fabrica tar la chesa pravenda per spordscher in prüma lingia abitaziuns per glied attempeda. Il proget scu eir il preventiv dals cuosts effectivs sun uossa avauntmaun e tenor plan da finanzas mauncha a la corporaziun fr. 400'000.00 per sgürer

la finanziaziun. Our da quel motiv ho il cussagl da la corporaziun evangelica inoltro a la vschinauncha üna dumanda per ün imprast da fr. 400'000.00. Il cussagl vaiva fat la proposta da na conceder l'imprast, dimpersè da conceder üna süerted sün l'import da fr. 400'000.00 cun las seguintas cundiziuns: l'administraziun da la chesa stu gnir fatta tres l'administraziun cumünela, la vschinauncha dess avoir il dret da precumpra e la part dal credit cha la vschinauncha do la süerted, stu gnir amortiseda scu prüm. Sclarimaints tar la banca haun demusso, ch'üna süerted vain resguardada da quella scu ün imprast. Il rapreschantant dal cussagl da la corporaziun evangelica es preschaint e spiega, cha pel cussagl da la corporaziun evangelica saja la proposta üna buna soluziun. Zieva cuorta discussiun decida la radunanza cun granda magiurited e sainza cuntravuschs da conceder a la corporaziun evangelica üna süerted da fr. 400'000.00 cun las cundiziuns fattas.

30 0.113 Elecziuns
Tschernas cumünelas pel trienni 2014-2016

President cussagl da scoula: Our dal ravuogl nun es displaschaivelmaing üngün pront, da candider scu president dal cussagl da scoula. Il president spiega, cha'l cussagl ho da decider in chosa e da tschercher üna soluziun per occuper il post vacant.

Cumischiun da gestiun: Il president spiega, cha Christian Berger s'ho annunzcho pel sez liber. Our dal ravuogl nu vegnan fattas otras propostas. Sün decisiun da la radunanza vain la tscherna dal commember da la cumischiun da gestiun effettueda aviertamaing. Cun granda magiurited e sainza cuntravusch vegn elet Christian Berger.

31 9.999 Varia

Il president orientescha, chi'd es previs da mner tres in lündeschdi saira, ils 16.12.2013 ün aperitiv da bivgnaint per Selina Gasparin, chi ho gieu ils 06.12.2013 la prüma victoria illa cuorsa da biathlon da la coppa mundiela a Hochfilzen. Tuot la populaziun es amiaivelmaing invideda.

Il president serra la radunanza a las 21.50 ed ingrazcha a tuot ils preschaints per lur cumparsa.

In buna fè

Il president:

L'actuar:

D. Campell

D. Schwenninger